



1388 web

12669  
ab  
16

Broj: 06-11-5826/24-4  
Ilidža, 04.11.2024.godine

Na osnovu člana 70.Zakona o javnim nabavkama ( «Službeni glasnik BiH» broj 39/14, 59/22 i 50/24), i preporuke Komisije za javne nabavke, donosi se

## O D L U K A O IZBORU NAJPOVOLJNIJEG PONUĐAČA ZA JAVNU NABAVKU BROJ 88/24

I

Ponuda ponuđača **DEBOS d.o.o, Hamze Čelenke 5, Ilidža**, u iznosu od **3.034.977,72 KM** bez PDV-a, proglašava se najpovoljnijom, za **JN 88/24 Izvođenje radova na sanaciji i rekonstrukciji vrtića "Lužani"**.

II

Ponuđač DEBOS d.o.o, obavezan je u roku od 7 dana od dana prijema ove odluke ugovornom organu dostaviti uvjerenja iz člana 45. stav (2) tačka a), b) c), i d), Zakona o Javnim nabavkama.

III

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji.

### O b r a z l o Ź e n j e

Na osnovu odluke o pokretanju postupka broj 06-11-5826/24-1 i obavještenja o nabavci broj 888-1-3-219-3-217/24 od 30.08.2024.godine, pokrenut je otvoreni postupak javne nabavke za **JN 88/24 Izvođenje radova na sanaciji i rekonstrukciji vrtića "Lužani"**. Ponude su blagovremeno dostavili DŽEKOS d.o.o, Ismeta Alajbegovića Šerbe 16, Ilidža, Grupa ponuđača MIH BH d.o.o, Tvornička 3, Ilidža i ELAN TRADE d.o.o, ZPO bb, Kakanj, te DEBOS d.o.o, Hamze Čelenke 5, Ilidža. Pregledom i ocjenom ponuda utvrđeno je sljedeće:

Ponuda DŽEKOS d.o.o, Ismeta Alajbegovića Šerbe 16, Ilidža se odbacuje jer ista nije u skladu sa zahtjevima iz tenderske dokumentacije. Naime, Tenderskom dokumentacijom je propisano da su ponuđači, ukoliko nude "ekvivalent" obavezni navesti podatke o proizvodu i tipu odgovarajućeg proizvoda koji nude. Također je propisano da su ponuđači dužni dostaviti tehničke detalje, certifikate sa prevodom,. Za svaki ponuđeni ekvivalent.imenovani ponuđač je uredno u ponudi naznačio za koje stavke nudi ekvivalent te je dostavio tehničke detalje/certifikate sa prevodom. Analizom dostavljenih tehničkih detalja/certifikata utvrđeno je da ponuđeni razvodni ormari nisu u skladu sa dimenzijama traženim tenderskom dokumentacijom. Utvrđeno je i da ponuđeni ekvivalent glavnog razvodnog ormara ima niži stepen zaštite od traženog. Stepen zaštite koji je tražen je IP66 a iz dostavljenog tehničkog lista (strana 160 ponude) je vidljivo da ponuđeni razvodni ormar ima stepen zaštite IP 65.

Ponuda grupe ponuđača MIH BH d.o.o, Tvornička 3, Ilidža i ELAN TRADE d.o.o, ZPO bb, Kakanj se odbacuje jer ista nije u skladu sa zahtjevima iz tenderske dokumentacije. Tačkom 3 Tenderske dokumentacije u dijelu "**ponuda mora sadržavati najmanje**" pod i) je propisano da ponuda mora sadržavati *Ugovor/sporazum o zajedničkom nastupu, ako ponudu dostavlja grupa ponuđača*. Imenovani ponuđači su propustili da ispune ovaj zahtjev iz tenderske dokumentacije jer njihova ponuda ne sadrži traženi ugovor/sporazum o zajedničkom nastupu. Također, na strani 273 ponude je vršena ispravka ukupnog iznosa na stavci "Kanalizacija" redni broj 1, ali ispravka nije urađena u skladu sa članom 18. stav (1) tačka m) Uputstva za pripremu modela tenderske dokumentacije i ponuda, jer nije potpisana i nema datuma kada je ispravka izvršena.

Ponuđač DEBOS d.o.o, Hamze Čelenke 5, Ilidža, je ispunio sve uslove tražene tenderskom dokumentacijom i ponuda koja je dostavio iznosi **3.034.977,72 KM** bez PDV-a što je u okviru sredstava osiguranih za ovu javnu nabavku.

Imajući u vidu navedeno, Komisija je predložila Općinskom načelniku donošenje odluke o izboru ponude DEBOS d.o.o, kao najpovoljnije, te je odlučeno kao u dispozitivu

#### POUKA O PRAVNOM LIJEKU

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK

Nermin Muzur, magistar uprave

#### DOSTAVLJENO

1. Ponuđačima
2. Služba za komunalne poslove i infrastrukturu
3. Kabinet Općinskog načelnika
4. Kabinet Općinskog načelnika (za objavu na WEB)
5. a/a

Izradio Almedin M.

Kontrolisao Benjamin M.



Butmirska cesta br. 12, 71210 Ilidža, Sarajevo, BiH, tel/fax. 033 637-864,  
centrala 775-600, [www.opcinailidza.ba](http://www.opcinailidza.ba), E-mail: [finansije@opcinailidza.ba](mailto:finansije@opcinailidza.ba)

